

Na osnovu člana 73. stav 2. Zakona o zaštiti od požara i vatrogastvu ("Službene novine Federacije BiH", broj 64/09), direktor Federalne uprave civilne zaštite donosi

PRAVILNIK O OBLIKU I SADRŽAJU SLUŽBENE ISKAZNICE (LEGITIMACIJE) PROFESIONALNOG VATROGASCA

(„Službene novine Federacije BiH“, br. 37/15)

I - OPĆE ODREDBE

Član 1.

(Predmet propisa)

(1) Ovim pravilnikom propisuju se oblik i sadržaj službene iskaznice (legitimacije) profesionalnog vatrogasca u profesionalnim vatrogasnim jedinicama općine/grada i kantona, te način izdavanja, zamjene i vođenja evidencije o izdatim službenim iskaznicama (legitimacijama) profesionalnih vatrogasaca (u daljem tekstu: iskaznica).

(2) Iskaznica predstavlja javnu ispravu, kojom profesionalni vatrogasac (u daljem tekstu: vatrogasac), dokazuje službenu dužnost vatrogasca, identitet i ovlaštenja predviđena Zakonom o zaštiti od požara i vatrogastvu ("Službene novine Federacije BiH", broj 64/09).

Član 2.

(Obaveza nošenja iskaznice)

Vatrogasac je dužan nositi iskaznicu za vrijeme vatrogasne intervencije i tokom obavljanja službene dužnosti.

II - OBLIK I SADRŽAJ ISKAZNICE VATROGASCA

Član 3.

(Sadržaj iskaznice)

Iskaznica vatrogasca sadrži podatke o identitetu vatrogasca i druge podatke predviđene u Obrascu broj 1 koji se nalazi u prilogu ovog pravilnika i čini njegov sastavni dio.

Član 4.

(Oblik iskaznice)

(1) Iskaznica vatrogasca je pravouglonog oblika sa zaobljenim uglovima, dimenzija 86 x 54 mm.

(2) Iskaznica se izrađuje na plastičnoj podlozi, svjetlocrvene boje.

III - NAČIN IZDAVANJA I ZAMJENA ISKAZNICE

Član 5.

(Izdavanje iskaznice)

Iskaznicu vatrogascu izdaje starješina profesionalne vatrogasne jedinice općine / grada i kantona (u daljem tekstu: starješina vatrogasne jedinice), na rok važenja od 10 godina.

Član 6.

(Izdavanje nove iskaznice)

(1) Nova iskaznica se može izdati i prije isteka roka iz člana 5. ovog pravilnika ukoliko nastanu promjene ličnog izgleda nosioca iskaznice, bitne sa aspekta mogućnosti njegove identifikacije, o čemu odlučuje starješina vatrogasne jedinice.

(2) U slučaju nestanka, gubitka ili znatnijeg oštećenja iskaznice, vatrogasac je dužan u roku od tri dana od dana saznanja za gubitak ili nestanak ili oštećenje iskaznice izvijestiti starješinu vatrogasne jedinice i sačiniti pisanu izjavu o okolnostima pod kojima se to dogodilo, radi izdavanja nove iskaznice.

Član 7.

(Vraćanje iskaznice)

Vatrogasac koji po bilo kom osnovu izgubi status vatrogasca, dužan je odmah, a najkasnije u roku od sedam dana od dana gubitka statusa vatrogasca, vratiti iskaznicu starješini vatrogasne jedinice koji je izdao tu iskaznicu.

IV - EVIDENCIJA O ISKAZNICAMA

Član 8.

(Vođenje evidencije o izdatim iskaznicama)

(1) Starješina vatrogasne jedinice dužan je da o izdatim i zamijenjenim iskaznicama vodi knjigu evidencije u vidu posebne knjige formata A-4, koja treba biti ostraničena, uvezana i ovjerena pečatom i potpisom starješine vatrogasne jedinice.

(2) Evidencija iz stava (1) ovog člana sadrži:

1. redni broj;
2. ime, ime oca i prezime (vatrogasca kojem je izdata, odnosno kojem je zamijenjena iskaznica);
3. dan, mjesec, godina i mjesto rođenja;
4. datum vraćanja/zamjene iskaznice;
5. broj vraćene iskaznice;
6. broj izdate iskaznice;
7. datum i mjesto izdavanja iskaznice;
8. datum prestanka važenja iskaznice.

(3) Knjiga evidencije iz stava (1) ovog člana čuva se trajno, a vraćene iskaznice iz člana 7. i člana 9. stav (2) ovog pravilnika čuvaju se najmanje 10 godina.

(4) Obrazac knjige evidencije izdatih i zamijenjenih iskaznica iz stava (1) ovog člana nalazi se u prilogu ovog pravilnika i čini njegov sastavni dio (Obrazac broj 2).

V - PRIJELAZNE I ZAVRŠNE ODREDBE

Član 9.

(Zamjena iskaznice)

(1) Iskaznice vatrogasaca, koje na dan stupanja na snagu ovog pravilnika koriste vatrogasci, imaju se zamijeniti novim iskaznicama u skladu sa ovim pravilnikom u roku od tri mjeseca od dana stupanja na snagu ovog pravilnika.

(2) U postupku izdavanja nove iskaznice iz stava (1) ovog člana, vatrogasac predaje iskaznicu izdatu po ranijim propisima.

Član 10.

(Prestanak primjene podzakonskih propisa)

Danom stupanja na snagu ovog pravilnika, prestaje primjena svih podzakonskih propisa kojim su uređena pitanja obuhvaćena ovim pravilnikom i koji su se primjenjivali na području Federacije Bosne i Hercegovine do dana stupanja na snagu ovog pravilnika.

Član 11.

(Stupanje na snagu propisa)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Prednja strana iskaznice

(prostor za grb Bosne i Hercegovine, Federacije BiH, kantona, odnosno općine / grada)	BOSNA I HERCEGOVINA FEDERACIJA BOSNE I HERCEGOVINE <hr/> (naziv kantona) <hr/> (naziv općine / grada) <hr/> (naziv kantonalnog organa uprave odnosno općinske / gradske službe za upravu)	Fotografija vlasnika iskaznice (20 x 25 mm)
SLUŽBENA ISKAZNICA PROFESIONALNOG VATROGASCA		
<hr/> (Ime i prezime)		<hr/> (broj iskaznice)

Leđna strana iskaznice

<hr/> (naziv funkcije profesionalnog vatrogasca)	
<hr/> (krvna grupa)	
<p>Profesionalni vatrogasac u obavljanju poslova i zadataka iz nadležnosti profesionalne vatrogasne jedinice, prava i dužnosti izvršava u skladu sa Zakonom o zaštiti od požara i vatrogastvu („Službene novine Federacije BiH“, broj 64/09).</p> <p>Rok važenja iskaznice je 10 godina.</p>	
<hr/> (mjesto i datum iz davanja)	<hr/> (potpis ovlaštene osobe)

**EVIDENCIJA
IZDATH / ZAMIJENJENIH SLUŽBENIH ISKAZNICA (LEGITIMACIJA) PROFESIONALNIH VATROGASACA**

R/B	IME, IME OCA I PREZIME (vatrogasca kojem je izdata, odnosno zamijenjena iskaznica)	DAN, MJESEC, GODINA I MJESTO ROĐENJA	DATUM VRAĆANJA / ZAMIJENE ISKAZNICE	BROJ VRAĆENE ISKAZNICE	BROJ IZDATE ISKAZNICE	DATUM I MJESTO IZDAVANJA ISKAZNICE	DATUM PRESTANKA VAŽENJA ISKAZNICE
1	2	3	4	5	6	7	8
1.							
2.							
3.							
4.							
5.							